



partii naleraq

15. maaji 2019

UPA2019/132

Inuussutissalerinermut aamma uumasut nakorsaqaernerannut tunngasunut suliassaqaarfiup tamakkiisumik tiguneqarnissaat pillugu nassuiaasioqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Pineqartut tiguneqarnerisigut inatsisilerinikkut allaffissornikkullu aallaavissat sukumiinerusut, taamatullu aamma pilersitsinermut ingerlatsinermullu aningaasatigut kingunerisassat nassuiaammi allaaserineqassapput. Suliassaqaarfiup ulluinnarni ingerlanneqarsinnaaneranut, sulisussarsiniartarnejq ilanngullugu, periarfissat nassuiaammi nalilersorneqassapputtaaq. Nassuiaat Inatsisartunut UPA2020-mi saqqummiunneqassaaq.

(Aqqalu C. Jerimiassen, Atassut)

Siullermik Inuussutissalerinermut aamma uumasut nakorsaqaernerannut tunngasunut suliassaqaarfiup tamakkiisumik tiguneqarnissaat pillugu nassuiaasoqarnissaannik siunnersuuteqartoq Aqqalu C. Jerimiassen, Atassut Partii Naleqqamiit qujassuteqarfigissavarput.

Partii Naleqqap soqutigisarilluinnarpaa Kalaallit Nunaat namminiileriarternimini akisussaaffiit pingaaruteqartut akisuussaaffigilerneqarnissaat pisariaqartoq, tamannalu tunngavigalugu Partii Naleqqamiit imatut oqaaseqarfigissavarput.

Partii Naleraq isumaqarpoq uumasut nakorsaqaarfimmik inuussutissalerinermillu tamarmiusumik tigusinermik Naalakkersuisut naliliinerat naapertorlugu uku minnerpaamik pisariaqassasut:

- Kalaallit Nunaanni Uumasunut Nakorsaqaarfimmi Inuussutissalerinermullu Oqartussaaffimmi (UNIO) oqartussaanerup aqqissuussaanerata allanngortinnera
- Suliamik ingerlatsinermi piginnaasanik ineriartortitsineq piginnaasaqalernerlu
- Inunnik aningaasatigullu isumalluutinik atuagassaqaartitsilerneq
- Inatsisinik nutaanik ineriartortitsineq ingerlaavartumillu nutarterisarnejq

Taamatullu Naalakkersuisut tungaanniit oqaatigineqarpoq *“anigaasat siusinnerusukkut naatsorsuinerni § 37 nr. 32 2019 naapertorlugu apeqquteqaatikkut akissutigineqartukkut taaneqartut taamaallaat oqartussaaffimmik ingerlatsinermut aningaasartuutit pillugit ilanngunneqarnikuupput, aningaasartuutit oqartussaaneramik ineriartortitsinermut tunngasut isiginiarneqaratik.”*

Ilanngullugulu Naalakkersuisut naliliinerminni oqaatigaat *“Aallarnisaanermut pilersitsinermut aningaasartuutit tiguisinnaaneq sioqqullugu missigersorneqartariaqartut. Naatsorsuinermi tassani ilaatigut inatsisinik nutarterinermut, Uumasut Nakorsaqaarfiup Inuussutissalerinermullu*

Inatsisartunut ilaasortaq Emanuel Nûko

Imaneq 1, postboks 4120, 3900 Nuuk, E-mail: emanu@inatsisartut.gl, Nittartagaq: www.partiinameraq.gl,
Oqarasuaat: +299 34 50 00 Toqqaannartoq: +299 34 62 69 Angallatagaq: +299 22 03 72

Oqartussaaffiup ineriartortinneqarneranut aningaasartuutit ilanngunneqartariaqartut, tassunga ilanngullugit oqartussaaffimmi ingerlatsiviusuni piginnaasanik annertusaaneq pilersitsinerlu. Aatsaat tamatuma kingorna oqartussaaffimmik ingerlatsinermut ukiumut aningaasartuutit naatsorsorneqartariaqarput.”

Uanilu siunnersuuteqartup oqaatigaa immikkoortoq tiguneqarnissaanut suut tunngavigineqassanersut nalilersuisussamik suleqatigiisitamik siusinnerusukkut pilersitsisoqarnikuusoq. Inatsisartunut qinersisoqartussanngornera pissutigalugu suliassaq ingerlateqqinneqaqqissimanngitsoq, taamatullu Naalakkersuisut tassunga peqatigitillugu oqaatigalugu immikkoortumik tigusineq immikkoortumut suli tiguneqanngitsunut atatillugu aamma taanna isigineqassasoq.

Taamaattumik Naalakkersuisut allannguutissatut siunnersuutaat innersuussutigineqartoq Partii Naleqqamiit isumaqataaffigaarput. Allannguutissatut siunnersuut imatut oqaasertaqartoq *“Uumasut nakorsaqaarnerannut aamma inuussutissalerinermut tunngasunut suliassaqaarfiup tamakkiisup tiguneqarnissaat pillugu Naalakkersuisut UPA2020-mi nassuiaammik saqqummiussinissaat pillugu peqquneqarnissaannik Inatsisartut aalajangiiffissaattut siunnersuut.”*

Taamatut Partii Naleqqamiit oqaaseqarluta ataatsimiititaliamut susassaqartumut ingerlatinneqarnissaa innersuussutigaaarput.

Emanuel Nûko

Inatsisartunut ilaasortaq Emanuel Nûko

Imaneq 1, postboks 4120, 3900 Nuuk, E-mail: emanu@inatsisartut.gl, Nittartagaq: www.partiinaleraq.gl,
Oqarasuaat: +299 34 50 00 Toqqaannartoq: +299 34 62 69 Angallattagaq: +299 22 03 72